



**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Juris Canonici A. R.P. Paulo Laymanno Societatis Jesu Theologo SS.
Canonum In Alma, Catholica, Et Episcopali Universitate Dilingana
Professore Qvondam Ordinario, Prælectionibus Academicis Illustrati

Laymann, Paul

Dilingæ, 1673

Capitvlvm II. Iurgantium.

[urn:nbn:de:hbz:466:1-62587](#)

Ipsò jure irrita est Iudicis sententia, si lata sit contra leges aut Canones, tametsi ab ea appellatum non sit. Ita Gregor. I. l. 2. Ep. 6.

Advertendum est ex doctrina Gloss. Abbatis. Alex. & aliorum h̄c. Gloss. inc. Pertus. s1. verb. intolerabilem, de sententia excommunicationis, quod sententia Iudicis duobus modis possit esse contra jus, videlicet vel contra jus respiciens merita cause vel a liud extrinsecum. Posterior modus varius esse potest, videlicet si Iudex careat jurisdicione. cap. At si Clerici. 4. de Iudicis: vbi dicitur: quod sententia data à Iudice non suo non valet, vel si Iudicis jurisdictio suspensa sit propter excommunicationem eius. c. Ad probandum. de probationibus. Item si sententia lata sit contra minorem stantem in Iudicio sine Tutoris, vel Curatoris sui auctoritate. l. Claram. 4. C. de auctoritate praestanda. si sententia lata sit die festo. c. vlt. De feriis. Si in Ecclesiâ à saeculari Iudice. cap. 2. De immunitate Ecclesie in b. in his & similibus casibus sententia ipso jure irrita est, vt nullâ rescissione opus sit, sed solum declaratione. v. g. quod Iudex in excommunicatione fuerit, præterquam si id notorium sit; nam quæ notoria sunt, declaratione non indigent.

3 In priori casu iterum distinguendum, num error seu repugnantia cum lege, vel Canone in sententia exprimatur, hoc casu irrita est ipso jure. l. 1. ff. qua sententia sine appell. &c. l. Si expressim. 19 ff. de probationibus. vti Gl. exemplum afferens ait: Si Iudex pronuntiat minorem 14. annis posse testari, non valet sententia ipso jure. An verò error seu repugnantia cum jure non exprimatur; hoc casu, sententia subsistere censemur, atque transire in rem judicatam, si intra dies 10. appellatum non sit. c. Cùm inter 13. hoc tit. & l. Cum prolatis. 32. ff. eodem.

Excipe si notoria sit iniustitia sententia, ipso jure irrita est. c. Inter 9. hoc tit. & tradit Innoc. inc. Fraternitatis. n. 5. defrigidis. Abb. n. 7. hie. Alex. de Nau. n. 21.

4 Ratio exceptionis est, quod enim sententia Iudicis, tametsi re ipsa iniusta sit, tamen valere censemur, est propter presumptionem.

nem, quæ esse debet, pro Iudicis sententia, donec demonstretur iniuste, seu contra iura eum judicasse, talis autem demonstratio ac declaratio fieri debet in iudicio appellatio-
nis.

Cæterum, presumptioni locus non est, si notorium sit, sententiam latam esse contra jus, sive contra legem, cum enim Iudex secundum leges judicare debeat. c. In istis. dist. 4. sequitur, quod iniuste judicando limites potestatis suæ excedat, ideoque nihil agat. Vide quæ docui l. 3. tr. 6. de Iust. c. 2. n. 10.

Porrò quæ dicta sunt intelligi debent de jure claro & indubitate, non item si jus obscurum sit, ita ut variae sint DD. opiniones, quemadmodum enim error juris obscuri bonæ fidei vñscapionem inducere potest, ita & Iudicem in iudicando excusare, sicuti h̄c Felin. monet n. 15. Veruntamen etiam in hoc casu juris dubij aut obscuri Iudex tenetur probabiliora sequi, & quæ communiter saltem in eo tribunal i recepta sunt, quandoquidem stylus Curiæ, dummodò probabilitate nitatur, jus facit, videri possunt quæ docui l. 1. tr. 1. c. 5.

Sed neque contra leges judicasse censemur Iudex, ita vt litem suam faciat, aut sententiæ eius irrita censi debent, si judicavit contra legem. v. g. extra vagantem, de qua merito dubitatur, num recepta sit.

Ex dictis sequi videtur, si condemnato manifestum & evidens sit, quod Iudex non recte seu iniuste & contra leges judicavit, tametsi id publicè notorium non sit, posse illum in foro conscientia subterfugere sententiæ executionem, dummodò scandalum cesseret, sicuti in simili dixi l. 3. tr. 6. de Iust. c. 2. n. 8. Propterea quod sententia Iudicis obligat propter presumptionem justitiæ, quæ presumptionio cessat si oppositum alicui verè manifestum & indubitatum sit; veruntamen in externo foro talis non audiretur, sed puniretur.

CAPITVLVM II.

Iurgantium.

PARAPHRASIS.

Aequitatis pariter & juris rigori congruum
mm 2 est,

est, ut lites judiciales per sententiam definitiū celeriter expediantur. Ita *Gregor. I. l. 2. Epist. 18. ad Ioann. Rauennat. Archi-Episcopum.*

SYMMARIVM.

1. *Lites judiciales non protrahende, sed celeriter finienda.*
2. *Notanda tres acceptio[n]es Rigoris juris.*
3. *Ita acceleranda sunt lites, ut tamen ordo juris requisitus serueretur, dilationes necessaria concedantur, & totius causa status recte discutiatur.*
4. *Rescindi debet sententia, si l[itis] definita sit intrata breue tempus, ut plene discuti non potuerit.*
5. *Post sententiam latam executio saltē ad decem dies differenda, etiam in criminalibus, quamvis hoc consuetudine non obseruetur.*
6. *Adduntur limitationis quinque huius doctrine.*

NOr. Vnic. Lites judiciales protrahi non debent, sed quām fieri potest celeriter finiri; ait autem Pontif. id verum esse tūm secundūm æquitatem, tūm secundūm juris exactam, seu rigidam examinationem; vult dicere celeritatem in causis expediendis commendandam esse, tūm quia id per se æquum est, tūm quia in jure scripto expressum reperitur; nām juris rigor hic accipitur sicut in c. *Super. 20. de rescript.* pro eo quod iuri censentaneum est, literam eius rigorosè sequendo, vt dixi etiam *I. l. tr. 4. c. 19. principio.* videri etiam potest gl. inc. *ut constitueretur. 25. verb. detrahendum.* Cūm ait quōd rigor eius interdum accipiatur pro excelsu & quadam austерitate juris ad terrorē in cutiendum, & iste rigor temperandus plerumque atque æquitas præferenda: interdum verò rigor juris sumatur pro subtilitate juris, vt in c. *In literis. 5. de restit. spoliatorum.* Ideoque notari hīc possunt tres acceptio[n]es juris rigoriis.

Porrō quōd dicitur causas celeriter expediendas esse, intelligi debet, vt tamen interim ordo juris requisitus obseruetur, & vt

dilationes necessariae concedantur, atque totius causæ status recte discutiatur sicuti colligitur ex *Clement. 2. de verb. signif.* Adeò quidem, vt si tam paruo tempore lis definita sit, intra quod non videatur plenē discuti potuisse, ea rescindi debeat secundūm *Bartol. in l. Prolatam. n. 10. Cod. de sententiis. Abb. & Alexand. in fine huius cap.*

Adde post latam à Judice sententiam exspectandum esse saltē diebus de cem priulquam executio fiat, vti colligitur ex *Capitulo. Quod ad 16. b. tit.* idque etiam in criminalibus causis obsernardum esse docet *Bartol. in l. Qui ultimo. ff. de p[ro]cessu.* quamvis hoc consuetudine non obseruetur, cui consuetudini fauere videtur *l. Non tantū. 6. ff. de appellationibus.*

Præterea limitationes aliae adhiberi debent. 1. Si consuetudo non permittat appellationem, in causa criminali. 2. Si crimen notorium sit, ita vt appellatio admitti non debeat. 3. Si Reus crimen legitimè confessus sit in judicio. 4. Si vehementissima & apertissima ad sint testimonia, aliae probationes, vt Reus non nisi periuicaciter & impudenter negare possit: nam in dictis casibus appellatio ordinariè non recipitur. 5. Si propter scandalum vitandum executio differri non possit. videri potest *Abb. l[ib]. n. 3. Felin. n. 3.*

CAPITVLUM III.

Non potest.

PARAPHRASIS.

Episcopus deponendus non est, nisi Episcopi congregati aduersus eum sententiam concordes ferant; ex *Gregor. l. 2. c. 47. epist. 8. Registris.*

SYMMARIVM.

1. *Iuxta antiquos canones aduersus Clericos in Sacris cognosci non debuit causa criminalis & digna depositione, nisi in Synodo vel conuentu Episcoporum, & presentia duodecim Episcoporum in causa Episcopi; Presbyteri & Diaconi 3.*

2. *Iuxta*